

## Apënëtal and bër andiyen bësas aŋ (Matewo 25.14-30)

‘Bëte ata kë hi ang endey end ala ar ye bax damana fo. Namana exo yexën wac këbi bër baŋo riyenind bën do sebënan këbi napul irexëm in eni cënan. Er yëlëra babi: ayanar an, okilo oco od kaŋe; axinëm an, okilo oki do اساسën an, kilo ibat. Er ebax ala kala exo cënan er fëxwën këno in gë oxor orexëm ol. And ri ko mondako aŋ, ala ajo ye ko kwël. Ataŋ ar fëxwën baŋo okilo oco an, ye ko gër andiyen. Şënan ko kaŋe ir fëxwën baŋo anjatëgi andexëm in, şot ko okilo oco ocëxe. ‘Bëte ar fëxwën baŋo okilo oki an, şot ko okilo oki ocëxe. ‘Barikan ar fëxwën baŋo kilo ibat an, ye ko nac ko ambëxw, wëg ko kaŋe ir anjatëgi andexëm in.

Ga nëkak, anjatëgi aŋ, waŋiw ko. Ata wac këbi bër andiyen andexëm bën eni yow eno pel ala kala ba mondake şënan këno kaŋe ir sebënan baŋo in. Ar fëxwën baŋo okilo oco an ħatu ko gë okilo oco ocëxe, re ko: Axwën, okilo oco sebënan baye. Nëkoða ga şotëli këme okilo oco ocëxe. Anjatëgi aŋ yaka ko: « Yo wëj ar andiyen ayekax ex, ar mo kwëta mbaŋ hi këy. ‘Bebër sebënan bami bën aňëmbana do lëkayali këy şenene. Gërëgako bëbëranjëm këmi sebënan. Ga nëngandëra ke ako, wëj

bëte anëngandëra ki nëngandëra! Ar fëxwën baño okilo oki an, ĥatu ko bëte gë okilo oki ocëxe, re ko: Axwën, okilo oki sebënan baye. Nëkoda ga șotëli këme okilo oki ocëxe.

Ata yaka ko anjatëgi aŋ: Yo wëj ar andiyen ayekax ex, ar mo kwëta mbaŋ hi këy. Bëbër sebënan bami bën aňëmbana do lëkayali këy ŝenene. Gërëgako, bëbëranjëm këmi sebënan. Ga nëngandëra ke ako, wëj bëte anëngandëra ki nëngandëra! Ĥatu ko ngwa ar fëxwën baño kilo ibat an. Ata re ko: Axwën, anang nang këme mëne wëj mbaŋ xem ki ataxan: asaỹ këy sayënd eyamb el gër ed bayik ay nedërabana. Bëte axana këy xanand gër ed bayik ay hișëbana. Ga yëdara bame ŝonaxën bame kaŋe irey in mo ngwëg gër ebar. Nëkoda, kanal er xwën këy in. Ata yaka ko anjatëgi aŋ: Ata wëj ay yex nade! Ar andiyen axwëlaraxik hi këy! Anang nang këy mëne asaỹ këme sayënd gër ed bayik ame nedëbana, axana këme xanand gër ed bayik ame hișëbana. Barikan ey kwëtëdo kaŋe iram in gër otaxan od bëwëxëta bër kodi. Ga bakaw këme ako ata xanadome gër er ŝënak. Ata na dëŋ fel këbi bërandiyen boșandaŋ: Kanino tan kaŋe ir lëkaya ko in eno yël ar gë okilo epëxw an. Ar kë ŝënan er

Êot ko in, Kaxanu asënd këno sënd xali exo cotëraxën nëmëc. Bari ar bayik ax cënane na an, ado er  
xaỹ këno in dëŋ këno xan. Gërëgako ar andiyen axwëlaraxik ajo, pimëxëno fac gër ecamëdan, gër  
ed këni sesënd bela, gër ed këni h̃atayand ebasas.